

sie tuncel vnd betrieglich fürgeben / Der Leib
Christi werde im Abentmal empfangen / doch
allein wie er / oder da er zur rechten Gottes im
Himmel ist / Vnd nicht auch das er zugleich mit
im Abentmal ist.

Das er geistlich allein da empfangē wer-
de / vnd nicht auch mündlich / Oder wie etliche
sagen / Die Seele empfahe allein da den Leib
Christi / Der Mund empfahe nicht mehr / denn
Brot vnd Wein.

Das er auch nur von Gleubigen oder
frommen allein / Vnd nicht auch von vngleubi-
gen oder bösen Christen empfangen werde / Wie
wir glauben vnd lehren / nach der weise / da er
würdig vnd unwürdig auch empfangen wird.
Vnd d̄z alles auch aus grund Götlich's worts /
vnd nach der Augspurgischen Confession.

Vnd sind d̄z also iho die Hauptsachen
vnsrer vneinigkeith vnd zwyspalt gegen etlichen
zu Wittenberg / oder gleich gegen allen / sonder-
lich den Professorn / weil sie sich iho alle / oder
welche sich mit vnter stehen / in dem ißigen irem
Buch / alles zuuerteidigen / das doch nicht ihrer

S. iij. aller

Das ist die dritte Seite des Buchs